



**Teneno hoe : Là ilàha Illallàho Wahdahò Là sharìka  
lahò, Allaho Akbar Kabìra', Walhamdo lillàhi  
Kathìran, Sobhànallàhi Rabbil-a'lamìna, La hawla  
walà-qowwata illà billàhil-A'zizol-Hakìm, izay midika  
hoe : Tsy misy tempo mendrika ho tomponia afa-tsy  
Allah irery ihany, tsy misy mpiombona aminy, Allah  
no lehibe indrindra, dera betsaka ho an'Allah, dera  
ho an'Allah tompon'izao tontolo izao, Tsy misy hery  
na tanjaka afa-tsy amin'Allah, Ilay Mahery sy  
Hendry”**

Tatitra azo avy tamin'i Sa'adi (R.A) niteny izy : Nisy lehilay arabo tambanivolo iray tonga teo amin'ny Irak'Allah (S.AW) niteny hoe : “Ampianaro zavatra hoteneniko aho.” Hoy ny Mpaminany (S.A.W) taminy : «Teneno hoe : Là ilàha Illallàho Wahdahò Là sharìka lahò, Allaho Akbar Kabìra', Walhamdo lillàhi Kathìran, Sobhànallàhi Rabbil-a'lamìna, La hawla walà-qowwata illà billàhil-A'zizol-Hakìm, izay midika hoe : Tsy misy tempo mendrika ho tomponia afa-tsy Allah irery ihany, tsy misy mpiombona aminy, Allah no lehibe indrindra, dera betsaka ho an'Allah, dera ho an'Allah tompon'izao tontolo izao, Tsy misy hery na tanjaka afa-tsy amin'Allah, Ilay Mahery sy Hendry” Dia hoy ilay tambanivolo : Ho an'ny tompoko ireo rehetra ireo, ka inona no mba ho ahy? Dia hoy Mpaminany (S.A.W) : “Teneno : Allahommaghfirli Warhamnì wahdinì warzoqnì. Izay midika hoe : Allah ô, mamelà ny heloko, mamindrà fo amiko, tariho aho, ary omeo anjara aho.”

[Mari-pototra] [Notantaraïn'i Moslim]

Nisy lehilahy avy any ambanivohitra nangataka tamin'Irak'Allah mba hampianatra azy tonom-bavaka ho teneniny. Dia namaly azy ny Mpaminany (S.A.W) nanao hoe : Mitenena : “Là ilàha illallàho wahdahò là sharìka lahò -izay midika hoe : Tsy misy tempo mendrika ho tomponia afa-tsy Allah irery ihany, tsy misy mpiara-miombona aminy.” Nanomboka tamin'ny fijoroana ho vavolombelona momba ny fanokanana an'Allah izy, izany hoe tsy misy tomponia afa-tsy Allah, "Allàho Akbar", Izay midika hoe : "Allah no lehibe indrindra". Izany hoe : Allah no lehibe mihoatry ny zavatra rehetra ary Be voninahitra, "Walhamdo lillàhi Kathiran", izay midika fisaorana betsaka no atolotra ho an'Allah, Izany hoe : Fisaorana betsaka ho an'Allah noho ireo toetoetrany sy ny asany ary ny fahasoavany tsy

tambo isaina. "Sobhanallàhi Rabbil 'alamìn", izay midika hoe : Dera ho an'Allah Tompon'izao tontolo izao. Izany hoe : Manalavitra ny tsy fahalavorariana sy tsy fahatomombanana, "Là hawla wala qowwata Illà billàhil-'Azizil-Hakìm", Izay midika hoe : "Tsy misy hery sy tanjaka afa tsy amin'Allah, ilay Matanjaka sy Hendry". Izany hoe : Tsy afaka miova ho amin'ny hafa ny toe-draharaha iray afa-tsy amin'ny alalan'Allah sy ny fanampiana avy aminy ary ny fanamaivanany. Hoy ilay lehilahy: Ireo teny ireo dia ho an'ny Tompoko sy ny fanomezamboninahitra Azy, koa inona no tokony hangatahiko ho an'ny tenako? Dia namaly azy ny Mpaminany (S.A.W) nanao hoe : Mitenena ianao : "Allahommaghfirlî", izay midika hoe : Tompo Allah oo, mamela ny heloko, Amin'ny famafana ny asa ratsy sy fanaronana azy, "Warhamni", izay midika hoe: mamindra fo amiko Amin'ny fahazoana hatsarana ara-pinoana sy ara-piainana eto an-tany ho ahy, "Wahdini", izay midika hoe : ary tariho aho Ho amin'ny toe-piainana tsara indrindra sy mankany amin'ny lèlana mahitsy, "Warzoqni", izay midika hoe : ary omeo anjara aho Harena madio, fahasalamana, ary ny soa rehetra sy ny fahasalamana.

<https://sunnah.global/hadeeth/mg/show/6112>

النّجّاة الخيريّة  
ALNAJAT CHARITY

